

دوشنبه گونو آزاد دموکرات آذربایجان اؤز پارلاق میلی موفقیتلری نین بیریسی نین شاهیدی اولدو. بوگون موقدس اودلار یوردونون 250 نفر رشید و قهرمان اوغلو افسرلیک درجه سینه یئتیشیب میلی یاشاییشی و آذربایجان آزادلیغی نین مودافیعه سینی و ایران ایستیقلا لیتی و تمامیتینی حیفظ ائتمک اوچون حاضر و آماده اولماقلارینی اعلام ائدیله.

بو مکتب بیریجی دفعه اولاراق، دوزگون بیر تربیت اوصولو، واحد مقصد، هدف و ایدال اوزره همین افسرلری تربیه ائدیپ وطنیمیزه، ملتیمیزه خدمت ائتمک اوچون آذربایجان جامیعه سینه تحویل وئر میشدیر.

دونکی ساده ولی احساساتلی مراسیمده دعوت اولونانلارین و میلی حؤکومتیمیزین عوضولری، دموکرات فیرقه سینی رهبرلری و بو مکتبین مربیلری نین گؤزلرینده شادلیق نورو پارلا بیردی. مکتبین فرماندهی موثر بیر لحن ایله اؤز ساده گوزاریشینی اوخودو. بو معنالی جومله لر کی، بیزیم جامیعه نین یئنی حیاتی نین پارلاق بیر نومونه سیدیر، هله ده قولاقلاریمیزدا سسله نیر.

بو آز مودتده آذربایجان خلقی نین موختلیف طبقه لریندن اولان حربی مکتب شاگیردلری آچیق و آزاد روح، مؤحکم بیر ایراده ایله درس پروقرامی نین آغیر لیغینا دؤزوب و سحر دن آخشاما قدر یورولمادان پروقرامین عملی قیسمت لری نی اؤیرنمگه چالیشیر دیلار. بونلارین هدفی وطن یولوندا فداکارلیغا حاضر اولماقدیر.

دونکی تحصیلاتینی قورتاران افسرلر آذربایجان جامیعه سینی نین موختلیف طبقه لریندن اینتیخاب اولونموشلاردیر.

کنچمیش دؤورده اؤز ائولادینی خیدمتدن ماعاف ائتمک دن اؤترو مین جوره تشبوتات ائندلر ایندی گولر اوز و مؤحکم بیر ایمان ایله اؤز اوغوللارینی وطنه خدمت ائتمک اوچون میلی حؤکومت ایختیارینا قویورلار.

حربی افسرلیک مکتب نین فرماندهی بو مکتب ایله تهران افسری دانیشکده سی نین تعلیماتلارینی موقایسه ائدیکن سونرا بئله نتیجه آلدی کی، تهران افسرلر دانیشکده سینده شاگیردلرین وقتی نین بیر چوخ حیصه سی، ایکی ایل یاریم و اوچ ایله فقط پوچ و بی مصرف نظری قیسمت لری اؤیرنمک نتیجه سینده تلف اولور و عملی قیسمت لره ایسه چوخ توجه ائدیلمیر، بیر صورتده کی، بیزیم حربی افسرلیک مکتب نینده شاگیردلر عوموما تحصیل کرده جاوانلاردان اینتیخاب اولموشلار و وقتلرینی فقط عملی قیسمت لری اؤیرنمگه صرف ائتمیشلر دیر.

بونا گؤره بیزیم تازا افسرلریمیز هر حئیثدن اونلارین اینتیظاریندا اولان وظیفه لری انجام وئر مگه آماده دیرلر ش

اونلار ماموریت یئرلرینه گئتمگه تلسیب، بیر-بیرلرینی قاباقلا بیلرلار.

آذربایجان میلی حۆکۆمتی نین باش وزیري آقاي پیشهوری خلقین گورولتولواقیش و احساساتی آراسیندا، حربی مکتبیین آچیلیشی زامان مؤوجود اولان مانعهلرباره سینده بحث اندرك بئله دئدی:

مومکوندور کی، یوز ایلرله بیر یئرده ثابت قالان بیر میلت قطعی و سورعتلی بیر حرکت نتیجه سینده بؤیوک موفقیتلره ناییل اولسون و اؤز دالی قالماسینی جوبران انتسین. بو بیر تاریخی حرکتدیر کی، میلتیمیزی ایندیکی ترقی و موفقیتلره بیتیرمیشدیر.

میلتین قوه سی یاتمیش بیر یانار داغ کیمیدیر کی، اگر طوغیان انده بؤیوک قودرتلر نیشان وئر هجکدیر.

بیزیم خلقیمیزین بؤیوک موفقیتلری نین بیرسی ده همین بو حربی افسرلیک مکتبیین تاسیسی دیر کی، بؤیوک مادی موشکولاتا باخمایاراق تشکیل اندیلمیشدیر.

بو مکتب اؤز دؤرد آیلیق پروگرامینی ایکی آیدا بیتیرمگه موفق اولموشدور.

بو آز مودتین عرضینده بیر نیمایش تهیه انتمک چوخ چتین بیر ایشدیر. ولی بیزیم میلت اؤز مؤحکم ایمانی و سارسیلماز ایراده سی سایه سینده بو بؤیوک حرکت و ترقینی موفقیتله باشا چاتدیرمیشدیر.

بیزیم تازا و جوان افسرلریمیز عالی هدفه و مؤحکم ایمانا مالیک اولاراق آزادلیق وورغونودورلار.

اونلار عزیز وطنلرینه خیدمت انتمک اوچون تلسیب، فداکارلیقدا موسابیه وئریرلر.

بو، گؤستریر کی، خلقیمیز اؤز وطن، آزادلیق، دیل، آداب و روسومونو سئویبار قوه سیله اوندان مودافیعه انتمگه حاضیردیر... بیزیم جوان افسرلریمیز آذربایجان قوشونوندا خیدمت انده جکلر. بیز بو قوشونو تهران حۆکومتینه تاپیشیرمایاجاییق. بو قوشونون فرمانده لری آذربایجانلیلار اولاجاقلار.

بو قوشون آذربایجان آزادلیغی و ایران ایستقلالیتی نین ضامینی دیر.

خاریجی بیر تجاوز و تعرض اولدوقدا بیزیم میلی قوشونوموز ایران ایستقلالیتی نین و تمامیت ارضی سینی مودافیعه انتمگه حاضیردیر. عین حالدا آذربایجان قوشونو ایراندا دموکراسی اوصولون مودافیعی اولان بیر قوه دیر. بو سببه دیر کی، تهرانین چوروموش و فاسید رژیمیندن بنزار اولان آزادلیق سنون افسرلر آذربایجانا گلیب بیزیم قوشونا داخل اولورلار.

آذربایجان دموکرات فیرقه سی نین صدری، افسرلیک مکتبیین نین فرمانده و موربیلریندن تشکور انده رک سون سؤزونده بئله دئدی: بیزیم قوشونوموز میلتدن آیری دئیل، بیزیم قوشوندا افسرلریمیز آراسیندا، سیاسی مسالهلر ساده اوصول اوزره تعلیم اندیلیر.

سياسي تعليماتين ھدفی- يالنيز آذربايجان خلقي نين قارشيسيندا دوران موقدس بير ھدفين رووشن انديلمه سیدير و او دا آذربايجان آزادليغي و ايرانين ايستيقلايت و تماميتي نين مودافيعه سیدير.

خلقيميز قوشونو، يعني اوز قهرمان و فداکار افراديني اولدوقجا سئوير.

خلقيميز دموکراسي و آزادليغين حقيقي معناسيني آنلايب، وار قوه سيله اوندان مودافيعه انده جکدير.

بوجور بير ميلت هميشه باش اوجا ياشا ياجا قدير...

«آذربايجان» روزنامه سي، نؤمره 205، ايکينجي دؤوره 4 شنبه، خور داد 1325- جي ايل

